



ВЛКСМ МАРОБКОМЫН ОРГАНЖЭ

№ 35 (471)

1937 ий 15-ийуль, изарныа

№ 35 (471)

## Сайлымэ закон пэнгыздэмдалтын

ССР Ушэм ЦИК-ын сессийжэ „СССР Вэрховно Советыш сайлымэ нэргэн положэньым“ ик йук дэнэ пэнгыздэмдэн.

Тидын нэргэн увэрым пүтынэ со-вэт эл пэш кугу куанымаш дэнэ ваш лийэ. Совет калык тидэ зако-ным у вий дэнэ саламла. Вэт тидэ сайлымэ законышто совет Консти-туцим ыштышын—кугу Сталинын гэнийжэ, куатшэ пышталтын. Тидэ законышто социалист демократи-йын кугу принципшэ тұрыс да пэш раш ончыкталтын. Сайлымэ закон совет граждан-влакын пра-ваштым тұрыс шукташ, нунылан сайлымаштэ активнэ участвытла-шышт чыла йоным ыштэн.

Мэмнан сайлымэ законлан нимо-гай оговорко дэн ограничэньат укэ. Мэмнан сайлымэ закон шотышто Сталин йолташын у Конституцэ проект нэргэн ойлымыжо пэша-к лачлан толэш. Совет Ушэмын сай-лымэ законжылан ... активнэ дэн

пассивнэ граждан-влак укэ улыт, тудлан чыла граждан-влак активнэ улыт. Тудо пөрийэн дэн удра-маш коклаштэ, куснылдэ илышэ да кус-ныл илышэ коклаштэ, улан да ни-модымо коклаштэ нимогай ойрты-шымат ок признаватлэ. Тудлан чы-ла граждан-влэк шкэ права шо-тыштышт тёр улыт. Имущэствэннэ положэньэ дэнэ огыл, могай наций-гыч улмо дэнэ огыл, служэбнэ по-ложэньэ дэнэ огыл, а кажнэ граж-данинын шкэ способностьшо, шкэ пашажэ общэствышт тудын поло-жэньыжым ончыктат“. (Сталин)

Тыгай сайлымэ закон ик элыш-тат укэ да капитализм годым ли-йынжат ок кэрт. Мэмнан закон—Октябрь социалист рэволюцэ сэ-нымын, коммунист партий, кугу Сталин вуйлатымын рэзультатшэ.

Сайлымэ закон пэнгыздэмдалтын. Совет Ушэмын гражданинжэ-влак шушаш сайлымашым у сайлымэ закон почэш эртарах тунгалыт.



Йошкар-Ола музэй.

### СССР ЦИК-ыштэ

А. А. АНДРЭЙЗВ да А. Ф. ГОРКИН ЙОЛТАШ-ШАМЫЧЫМ,  
СССР ЦИК ПРЕЗИДИУМ ЧЛЭНЛАН САЙЛЫМЭ

Андрэй Андрэевич Андрэев йолташым (ВКП(б) Цэнтральнэ Комитэт сакрэтарь) да Алэксандр Фэдорович Горкин йолташым СССР Цэнтральнэ Исполнительнэ Комитэт Президиум члэнлан сайлаш—СССР ЦИК пунчалын.

СССР ЦИК сакрэтарь Иван Алэксэевич Акулов йолташым чэрлэ улмыжлан (йодмыжо почэш) сакрэтарь паша гыч утарыма.

СССР ЦИК сакрэтарьлан Алэксандр Фэдорович Горкин йолташым сайлаш манын, СССР ЦИК пунчалын.

### „Спартак“ командын чаплын сэнгымыжэ

Басконийын (Испаний) талэ футболлист-влак нэргэн „Иам-дэ лий“ лудшо-шамычат палат. Совет Ушэмын пэрвой толмышт почэш нуно Москосо „Динамо“ дэн „Локомотив“ футбол командэ-влакым сэнгэныт. Ленинград „Динамо“ дэнэ модын толмэкышт 5 ийульышто адакат Москосто „Динамо“ командэ дэнэ модыныт. Ты гыдымжо „Динамо“ командэ моло общэствыла гыч сай футболлист-влакым ойрэн налын модын. Но тугэ гынат, Басконий футболлист-влак адакат „Динамо“ командым 7:4 шот дэнэ сэнгэныт.

8 ийульышто Моско „Дина-мо“ стадионэш Басконий футболист-влак уэш пэнгыздэмдыма „Спартак“ общэствын командыжэ дэнэ модыныт. Ты гыдымжо совет футболлист-влак шкэныштын куат дэн мастарлыкыштым чаплын ончыктэ-ныт. „Спартак“ командэ Басконий командым 6:2 шот дэнэ сэнгэн.

Тачэ испан футболлист-влак Кийэвысэ „Динамо“ дэнэ вашлийыт. Тылэч вара нуно Минск (Бэлорусий) да Тбилисыш (Грузий ССР) кайат.

### Форпост сбор

4 ийульышто Кужэнэр йоча коммунысо форпостын Киров думан отрядшын сборжо эртыш. Сборышто „СССР Ушэм обороно пэнгыздэмдыма“ зайом нэргэн кутырышт. Тушман-влаклан вашмут пушо зайомым

пионьэр-влак пэш куанэн вашлийыч.

Ты сборышто 30 пионьэр-влакым Ийван-Соласэ пионьэр лагэрыш колташ пунчалыч.

Токмэтов Ник.

Кужэнэр йоча коммун.

## ССР УШЭМ ЦИК-ЫН НЫЛЫМШЭ СЭССИИЖЭ ШКЭ ПАШАЖЫМ ПЫТАРЭН

7-шэ ийульышто Кремльысэ Кугу дворэцэш ССР Ушэм ЦИК-ын нылымшэ сессийжэ почылтын.

Сэссий шкэ пашажым ышташ тунгалэш. ССР Ушэм ЦИК члэн-шамыч вэрышкышт шинчыт. Залыштэ шуко уна—промышлэньэ прэдирийатэ дэн транспорт стахановэц-шамыч, столицэ шэмэр-шамычын прэ-ставитэлышт, молат улыт.

19 часат 15 минут. Президиумыш Сталин, Молотов, Калинин, Каганович, Ворошилов, Андрэев, Микойан, Чубарь, Ко-сиор, Жданов, Йэзов, Хрущэв, Йаковлэв, Лубчэнко йолташ-шамыч лэктят. Залыштэ кужун сово кырымаш йатыр минут шуйна. Саламлэн кычкырмаш шэргылтэш: „Вийан лийжэ Сталин йолташ!“ Сталин йолташлан—ура!“

Сэссийым М. И. Калинин йолташ кучыкын ончыл мутым ойлымо дэнэ почын.

Варажым сово кырен ваш лиймэ дэнэ Я. А. Иаковлэв йолташ „Совет Социалист Рэспуб-лик Ушэм Вэрховно Советыш сайлымэ нэргэн положэньэ“ проект нэргэн докладым ыштэн 8-шэ ийульышто Я. А. Иа-ковлэв йолташын докладшэ по-чэш прэний лийын.

9-шэ ийульышто закльучи-тэлыне засэданыым М. И. Ка-линин йолташ почэш. Эр за-сэданыштэ Моско облыспол-

ком прэсэдатель Филатов йол-таш, академик О. Ю. Шмидт, молат ойлэныт.

Пытаргышлан прэнийыштэ Акимов райисполком прэсэда-тель (Днэпропетровск область) Кипэнько йолташ ойлыш. Тудын ойлэн пытарымыжэ дэч ончыч, президиумыш Сталин йолташ лэктэш. Сэссийыштэ участво-ватлышэ да ува-шамыч чыла-нат шогалын, Социализм Кон-ституцийым ыштышэ, калыкын вождышо Сталин йолташым ку-жун сово кырымэ дэнэ ваш ли-йыт. Иатыр жап маркэ салам-лэн кычкырмаш шэргылтэш: „Сталин йолташлан—ура!“, „Вийан лийжэ Сталин йолташ!“

Кипэнько йолташын ойлэн пытармэжыжэ, мутым Булганин йолташ налэш. Тудо Иаковлэв йолташын докладшэ почэш прэ-нийым чарнаш, манын ойым луктэш. Варажым Лубчэнко йолташ сайлымэ законом канашэн налмэ почэш—108-шэ статьяш ик тёрлатымаш пу-рэн, манын сэссийлан увэрта-ра. Тидэ тёрлатымашым сэссий „Положэньыш“ пэнгыздэмда. Ум-бакыжым сэссий Социалист ку-гыжанышын сайлымэ законжым йөршэшлан пэнгыздэмдыш.

9-шэ ийульышто ССР Ушэм ЦИК-ын нылымшэ сессийжэ шкэ пашажым ыштэн пыта-рыш. Прэсэдатель Калинин йолташ сэссийым пэтырмылан шотла.



# Моско—Йудвэл польус—Йудвэл Амэригыш нигушак шичдэ чонгэштываш

Правительствэннэ комиссын увэртарымыжэ

Правительствэ Совет Ушэм Гэрой М. М. Громов, майор А. Б. Иумашэв да кумышо ранг войэннэ инжэнэр С. А. Данилинин Моско—Йудвэл польус—Йудвэл Амэрик маршрут дэнэ нигушак шичдэ чонгэшташ йодмышт дэнэ кэлшэн.

Старт 1937 ий 12 ийульшто 3 часат 21 минутышто Моско лишнэ Шэлков аэродромышто лийэ. Самольот Зэмля Франца Иосифа—Йудвэл польус—Лэдовитый океан—Йудвэл Амэригыш чонгэштэн.

Пэрэлыотыш „АМ—34“ моторан „АНТ—25“ самольот дэнэ каймэ.

Самольот экипажыштэ улыт: Совет Ушэм Гэрой М. М. Громов—командир, майор А. В. Иумашэв—кокымшо пилот, кумышо ранг войэнинжэнэр С. А. Данилин—штурман.

Пэрэлыотым организоватлышэ правительствэннэ комисс:

М. Рухимович, М. Каганович, А. Туполэв,

Я. Алкснис, О. Шмидт.

## СТАЛИНСКИЙ КУГУ ТРАССЭ ДЭНЭ

12 ийульшто 3 часат 21 минутышто эрдэнэ пэш кугу йошкар шулдыран „АНТ—25“ самольот Моско лишнэ улош Шэлков аэродром гыч Йудвэл польус гоч Йудвэл Амэрик сэр вэлкэ чонгэштэн.

Никушак шичдэ кугу чонгэшты-маштэ участвоватлышэ луддымб йэн—Совет Ушэм гэрой Громов, кокымшо пилот—майор Иумашэв да штурман—кумышо ранг войэннэ инжэнэр Данилинин Шэлков аэродром гыч лишыл йолташышт да паша ыштымэ йолташышт-шамыч ужатэн колтэныт.

\*\*\*

Громов, Иумашэв дэн Данилин йолташ-шамыч чонгэшташ 1936 ийыштак йамдылалташ тунгалыныт. 1937 ий шошым Чкалов, Байдуков да Бельаков дэнэ пырлыа правительствэ дэч ССР Ушэм гыч Амэригыш Йудвэл польус гоч чонгэшташ разрешэньым пуаш йодыныт. 10 ийунышто Громовым Сталин йолташ дэка ўжыныт.

Кабинэтыш пурымэк, — манэш Громов йолташ,—кугу устэл тбрыштб Сталин, Молотов дэн Ворошилов йолташ-шамычым ужым. Тыштак Нэлэ Промышленность Калык Комиссар Мажлаук йолташ, Оборона Промышленность Калык Комиссар Рухимович йолташ, обороно нарком заместитель—

кокымшо ранг командарм Алкснис йолташ да профессор А. Н. Туполэв ылыч.

Иосиф Виссарионович воштылалшыла саламлен мыйын кидэм кормышталыэ. Тугак Молотов дэн Ворошилов йолташат мыйым шокшы саламлышт.

Мый Йудвэл польус гоч чонгэшташ разрешитлаш йодмэм каласэн пушым. Мый чонгэштышаш план нэргэн, машина да мотор нэргэн раш каласкалышым. Кангашымаш тунгалыэ. Сталин йолташ чонгэшташ күлэш да огэш кул маншын ойлымыштым колыштымэкшэ мэмнан йодынам шукташ йукла. Тунамак рисковатлаш огыл, күлэш лиймэ годым Йудвэл Амэригыш кэч могай пунктшыжат шинчаш требоватлыш.

\*\*\*

Луддымб „АНТ—25“ экипаж Моско гыч Йудвэл Амэригыш Йудвэл польус гоч Чкалов, Байдуков да Бельаков каймэ йуж корным адак ик гана проверятлен, сэнэн налмэ резульатыштым пэнгыдэмдымэ шот дэнэ чонгэшта. Тидэ корно—ССР Ушэм дэн Амэрик коклаштэ эн кучык йуж корно. Тудым мэмнан кугу родин почын да тачэ шкэ ончыланжэ тыгай задачым шында—тэнийак ССР Ушэм дэн Йудвэл Амэригыш Йудвэл польус гоч йуж корным ыштэн шукташ. (ТАСС).

## „АНТ—25“ самольот Рудольф остров умбалнэ

12 ийульшто Рудольф остров гыч молний дэнэ тыгэ увэртарыныт: Моско гыч Йудвэл польус гоч Йудвэл Амэригыш чонгэштышэ „АНТ—25“ самольот 22 часат

01 минутышто Рудольф островысо контрольно пунктым эртэн кайэн.

Рудольф остров зимовко начальник—Лобан.

\*\*\*

Самольот борт гыч колтымо пытартыш радиогаммыштэ тыгэ ончыкталтэш:

12 ийуль, 23 часат 10 минут. Циклонышто кайэна. Чонгэшташ нимат огэш кой. Чыла сай.

13 ийуль 0 часат 15 минут. Циклонышто чонгэштэна. 86 градусан широташтэ, 58 градусан долготаштэ улына. 4.500 метр кукшытыштб чонгэштэна.

(ТАСС).

## „АНТ—25“ самольот гыч пытартыш радиогаммэ

13 ийуль. 2 часат 07 минут эр. Арктикым сэнэн налшэ Папанин, Кренкель, Ширшов, Федоровлан салам лийжэ.

„АНТ—25“ самольот экипаж—Громов, Данилин, Иумашэв.

3 часат 14 минут. Польус дэка

2-шо могыр „Иамдэ лий“.

шуна. 2700 метр кукшытыштб чонгэштэна. Часлан 160 километрым кайэна. Йужышто температур 8 градус йуштб. Экипаж таза. Чыла сай.

Данилин.

4 часат 50 минут. 88 градусан широташтэ, 120 градусан долготаштэ улына. Чыла сай.

Данилин.



„У Азиял“ колхозышто (Сотнур район) Марий АССР Конституцэ пэнгыдэмдымэ кэчын кугу пайрэм лийэ. Сүрэтыштэ: колхоз хор урэмыштэ мура.

## ИСПАН САР ФРОНТЛА ГЫЧ

Республиканэц-влак рүдб фронтышто 5-шэ ийульшто тушман ваштарэш наступлэньым тунгалыныт ылыэ. Тидэ наступлэньым чактарашлан лийын, тидэ районышто тушман шкэвжын вийжым пэнгыдэмдэн. Республиканэц-влак наступлэньым ыштымышт дэнэ 7-шэ ийульшто Брунэтэ (Мадрид дэч кас вэлышкэ) пункттым сэнэн налыныт. Тушман тыштэ контратакым ыштэн. Но республиканэц-влак шкэ сэнэн налмэ территорияшты гыч изишат чакнэн огытыл. Республиканэц-влак ончыкыжат наступатлэныт да, у позициым сэнэн налын, Гвадаррамэ энгэрымат вончэныт.

Тидэ жапыштэ республиканэц-влак Сосэна вэлышкыла (Мадрид дэч йуд вэлкыла) наступлэньым ыштымышт годымат у позициым сэнэн налыныт.

Мадрид йырысэ фронтын чыла сэктырлаштыжат республиканэц-влакын авиацышт пашам сай ыштэн. Мадрид умбалнэ республиканэц-влакын 20 самольотышт ваштарэш йужышто крэдэлын. Тидэ крэдэлаштэ мятэжнэ-влакын 7 самольотыштым палатымэ, республиканэц-влакын 1 самольотышт пытэн.

◆◆◆

## Кушкыл-влак дэнэ опытым ыштылам

Түрлб кушкыл-влак мыйым пэшапк интэрэсоватлат. Санде-нак мый кодшо тунэмме ийыштэ ботаникым пэш йбрэтен тунэмым. Кызыт кушкыл-влак дэнэ түрлб опытымшытылам. Тидэ мланэм адак кугу пайдам пуа. Тэлым налмэ шинчымашэм кумдандаш, пэнгыдэмдаш полша.

Тэний мый шкэмынизи пакчашэм помидорым, кэчшудым, кийарым, дыньым, тыквэм, фасольым, салатым шындынам. Нуным сайын ончэн куштэм. Нинэ кушкыл-влакын кунам

лэкмыштым, лышташым лукмыштым, пелэдмыштым днэв-никыш вовэн шогэм. Тэвэ 22 мартыштэ парникэш помидорым шындышым. 24 мартыштэ нэрэшташ тунгалыэ, а 30 мартыштэ 4 лышташан лийэ. 2 ийунышто тудым йырангыш налын шындышым, 25 ийунышто пелэдалтэ. Моло кушкыл-влакын кушмыштымат тыгак шымлен шогэм. Бидэ нинэ кушкыл-влакын саска лиймыштым шымлаш тунгалам.

Гэрасимов Саньу.

Великополь ПКШ. Оршавкэ р-н.

## ОНЧЭН КОШТМАШ

Эрдэнэ лэвна кодэн йалым,  
Мэ толна тўшка дэн кожлаш.  
Кидэш налына йандар атым,  
Пэш сайэ кожлаштэ кошташ.

Кожлажэ чийалын постожым  
Ужаргым. Лўшка эрдэн эр.  
Шуйальэ кэчат чинчэ йолжым,  
Шарла ужара пэш чевэр.

Шўшка изи шўшпык йонгалын,  
Йырваш пэшапк сылнын шокта.  
Кавасэ турийжэ чўчкалын  
Пелэдшэ пўртўсым мокта.

Кучэнашыншалым, йыл-шукшым,  
Учитэль ойла мэмналан:

— Кучаш тўнгалат гын  
шыншалым,  
Кўрлэш почшым—кид гыч  
утлашлан.

А шукшым ончаш пэш онай—  
Укэ тудын йолжо—нушкэш.  
Чыла тудын капшэ кольча гай,  
Коштэш да коштэш, шуйна да  
туртэш.

Ший колжо тўршта „пульт“  
ышталын,  
Вўд онго чўчкэн куржалэш  
Мэ кайышна пуш дэнэ йалын,  
Мардэж пэш шыман пуалэш.  
Чалай Васлий.



## НОЧА СПАРТАКИАДЭ

Республик йоча спартакиада 5-ше ийульшто тунгалъ. 7-ше ийульшто пытыш. Спартакиадыште 14 команде участвоватлыш. Тиде йоча спартакиадылан Торйал ден Ронго район-влак сай йамдылалтын да командыштым жапыште колтэн шукташ. Тидын денэ пырля удан йамдылалтше район влакымат луктын ончыктыде ок лий. Мутлан Параньге ден Марий Турек район-влакын командышты вараш кодын толыч. А Шернур, Йоласал ден Косолоп район-влак тиде йоча спартакиадыш тулчат шорын ончен: нуно ик командымат спартакиадыш колтэн керт. Тиде лийше факт—йоча-влак умбаке нунын мундырчын, парня-вошт ончымышт денэ ик-так.

Туге гынат, тиде тенийсе йоча спартакиада, кодыш денэ тагас-тармашге, ик мынар сэнгымаш-влак денэ эртыш. Тиде кум кече воклаште турло ийготан йоча-влакат учашымаште сай результат-влакын ончыктышт. Таве 13-14 ийаш удыр-влак вокла гыч Санина (Ронго гыч) 60 метрым 9,1 секунд куржын первой верым наль. Тудак гранатым 24 метрат 35 сантиметрыш кудалтэн сай результат-тым ончыктыш. Кукшытыш торштымаште 13-14 ийаш рвезе-влак вокла гыч Богородецкий первой верым наль. Тудо 1 метрат 39 сантиметрым рейке гоч торштен лекте. Кызыт алье пэнгымдыме орыл гынат, тиде республикысе рекорд-лан шотлалтеш. 100 метрыш куржымаште сай результат-влак улты. Таве Мухин (Йошкар Ола) 100 метрым 13,4 секундышто куржын, первой верым наль.

Эстафетыште первой верым Йошкар-Ола да кодышшо верым Ронго кумышо верым Звенигово команде-влак нальыч.

Волейбол денэ модмаштат Йошкар-Ола сэнгш. Путьныкшымак гын, тенийсе республикысе йоча спартакиадыште первой вер Йошкар-Ола командылан судитлате. Тудо 56 очком поген. Кодышшо верышке Ронго команда лекте—тудын 36 очко.



Сотнур район, Лажйал йал совет „У кече“ колхозышто пионер шамыч Иванов А. ден Семёнов И. колхозник шамычлан льгот нерген пунчалым лудыт.

## Каникул эртарыме нэргэн увэр-влак

Мэ, Вэликополь пэле кыдалаш школышто (Оршанке район) тунэмше, пионер-влак кэ-нэж каникулдам моштэн эрта-рэнэ. Ойар кече годым Какшан вудыш погынен йуштылаш коштына. Йуштылмына годым врачын куштымыжым эрэк илышыш пуртэн толына. Вудышто 10 минут дэч коч нигунамат огына шого. Йуштылмо дэч ончыч вуйым шовыч

денэ пүтырэн, вургамым кудашын шокшо опмаште могырым калитлэн кийена. Адак олыкыш кайэн, турло пелэдыш ден насэкомыйым поген гербарийым, коллекцийым ыштена. Тэ, пионер йолташ-влак, кэ-нэж каникулдам кузе эртарэда? Врачын куштымыжым кузе илышыш пуртэн шогэда? Возыз.

Герасимов Саньу, Оршанке район. Вэликополь ПКШ.

## Йара жапым вэсэлан эртарэм

Мый Мустай пэле кыдалаш школым (Шернур р-н) тунэ-мын пытаршым. Ынде 1 сентябрь мартэ йара улам. Йара жапым культурно, вэсэлан эртарэм. Сай ийгечан годым могырем калитлэм. Иал дэч торак оыл, сылне йэр йылгыжын

пинча. Мэ йоча-влак денэ тиде йэрышке йуштылаш коштына. Йара жап годым газетым, сылне литературым лудына. Мый кызыт колхозышто пырдыж газет лукташ полшэм.

Паймаков Очий.

## Значокан лийнэна

Октябрь революцын 20 ий-далык тэмме пайремже вэшеш мэ чыланат кум оборонно значокан лийнэна. Тидым шукташ кажне пионер ден тунэмшын кугу часть пашажэ. Но мэмнан Сотнур районышто значок-влаклан нормым пумаш паша пэш начар кайа. Мэмнан Пёт-йал пэле кыдалаш школышто лач ик тунэмшын гына ик оборо-нно значокшо уло. ЮВС значоклан кандашын апрель-тылзыштак нормым пуэнна ыльэ гынат, альэ мартэат значокым пуэн огытыл. Тугак мэм-нан школышто иктат БГТО значоклан нормым пуэн огыл.

Мэ тиде кэ-нэж каникул жапыште чыланат оборонно значок-влаклан нормым пуэн пы-тараш шонэна. Тидым районы-со осовавахим совет ушышке-жо налжэ ыльэ.

Федотов Йван.

## Герасимов педальнэ автомобильным ыштэн

Герасимов Ваньу—кызыт каникулышто. Тудо йара жа-ным моштэн кучылтеш, турло модыш-влакым ыштылэш. Шкэ-жэ 14 ийаш вэлэ гынат, мо-дель влакым ыштылаш пэш мастар. Модель вэлэ огыл, Ваньу йоча велосипедым, пэ-дальнэ автомобильным ыштэн. Герасимов шкэ автомобильжэ денэ изи йоча-влакым шынден кондыштеш.

В. Шибиков.

„Манан-Мучаш колхоз, Йошкар-Ола р-н.

## Сайлымэ Закон мэмнан дэнэ да нунын дэнэ

СССР Цэнтральнэ Исполни-тельнэ Комитетын IV Сэссий-жэ пашажым пытарыш. „СССР Вэрховно Советыш сайлымэ нэргэн Положэнье“ ик йук дэ-нэ сайэш шотлалтэ. Туньаште эн демократичнэ Сайлымэ за-кон йоршын пэнгымдалтэ. Тиде Законом Сталин йолта-шын ыштыме СССР Конститу-ций пүтынъэк палэмден ыльэ.

Мэмнан Сайлымэ Закона по-чэш могай калык гыч улмым ончыде, вэра кучымым, тунэм-ше альэ тунэмдыме, социальнэ шотышто могай гыч лэкты-нат,—чыла тидым ушыш нал-де,—ушдымо альэ сайлымэ пра-ваштым суд дэвэ лишитлымэ огыл гын, молышт чыланат,—СССР-ын 18 ийыш шушо граж-данышт-влак сайленат, сайла-лынат кэртят. Капиталист эл-лаште тыгай кумда Закон укэ. Граждан-влакым нуно турло йон денэ сайлымэ правашт дэч лишитлат. Мутлан, Америкыш

тэ гын, кён койанлыкшэ укэ,—тудлан правамат огыт пу.

Совет Ушэмын Сайлымэ За-конжо Сталинский Конститу-ций сэмынак интернациональ-нэ Закон. Тидыжэ чыла наци-йынат тор праван улмыжо гыч лэктэш. Иатыр капиталист эл-лаште изирак наций да рас-влаклан сайлымэ правам огыт пу. Мутлан Америкымак налына. Тушто нэгр-влак сайлымэ права дэч корандыме улыт. Тыгак Польшыштат изирак калыкын праваштым шыгрэмдат.

СССР-ште удрамаш-влак пёр-йон ден тэрак сайлат, сай-лалтытат. Тыгай буржуазно-демократический эллаштат: Францийыште, Бельгийыште да Швейцарийыште удрамаш-влак (элыште пэл калыкшэ) сайлымэ права дэч посна улыт.

Тидат вэлэ огыл, эн демо-кратический манмэ буржуазный эллаштат армийыште улшо рвэ-зе-влакын сайлымэ правашт укэ. А мэмнан дэнэ Йошкар Ар-мийыште улшо граждан-шамыч

сайленат, сайлалтырат кэртят. Буржуазий армийым лачак шэ-мэр калыкым пызыраш да ик мландым да вэс мландым шуп-шын налалаш гына куча. Мэм-нан Йошкар Армийыште ул-шо-влак чыланат тор праван Совет граждинин улыт. Шкэ-родиныштым аралмаш—нунын чэслэ пашашт. Нуно эрыкым аралат.

Сталинский эпохылан айдэ-мэ дэч шэргэ! Социалист го-сударствыште айдэмылан чыла права уло. Капиталист эллаш-тэ турло „законом“ мушо ли-йын, айдэмым айдэмылан шот-лыде сайлымэ дэч брдыш ко-ранден шогат гын, мэмнан дэнэ йоршэш вэсэ. Мэмнан дэн ик йонгын йукшымак огыт йомдарэ.

Мутлан. Сайлымэ жапыште иктаж кё больницыште, сана-торийыште, курортышто, дом-отдыхышто альэ сусыр-влак пёртышто лийше-влаклан пос-на сайлымэ участкым ыштад-тэш. Иктат шкэ шонымыжым каласыде ынжэ код. Кажне со-вет граждинат родиныжын по-литик илышыж дэч брдыжэш ынжэ код.

„ССР Ушэм граждинлан

ССР Ушэм Вэрховно Советыш сайлаш да сайлалташ права-жым шуктымаштыжэ иктаж кё бкымлен, ондалкален, лудыкты-лын альэ подкупатлэн чарак-лылэш гын, тудо 2 ий мартэ сроклан эрык дэч посна кодал-тэш“. (Сайлымэ нэргэн поло-жэнын 111-ше статьяжэ).

Фашист-влак гын, массын чыла праважым шинча орак лавраш тошка. Германий ден Италийыште фашизм демокра-тийым шалатэн, калыкын сай-лымэ праважым йоршын пыта-рэн. Нуно шагал калыкан на-цийым да расе-влакым айдэмы-ланат огыт шотло. Нунын дэн айдэме лум укэ. Ик сайлен-налмэ расе вэс шагал калыкан расым сэнгымэкышт нуным ку-лыш савырат.

Сталинский эпохын Сайлымэ Законжо айдэме кочшо фашизм-лан пэш кугу намысым конда, нунын шакшылыкыштым ту-ньалан адак ик кана ончыкта. Нигёлан пудырташ лийдыме Совет Ушэмын Сайлымэ Закон-жо—капиталист-влак ден авыр-налтмэ дэч да тудын троцкист-бухарин шпионжо-влак дэч ро-диным аралымаште пэш кугу орудий.



# ЛАГЭРЫШТЭ ВЭСЭЛАН, ПАЙДАЛЫН ЭРТАРАШ

Н. К. Крупская пионьэр-влаккан сэримэ письмажэ

Шэргэ рвэшамыч, тэндан лагэр илында тунгалы, тудо тыланда кугу пайдам пужо ман тыршыман. Тэ мом ышташ тунгалыда вара? „Ормаш паша!—тыгэ йатыржэ каласат дыр.—Мэ тунэмва, ынде канэна!“ Канымаш—канымашлан тан огул. Түрлө канымаш уло: ик түр-лымжэ чынак кап-кылым тазарташ полша, ушым пэнгидэмда, кушта, а адакшэ тугай канымашат уло,—тудыжо тыйым нойыктара, ангыр-тара.

Умаштэ йужо пионьэр-влак лагэрыште пуш, мөчэ да түрлө мо-ло модыш ука, йокрок, маньт ыльэ. Койкым тюрлаташ альэ атым мушкышташ мойн логалын гын, пуйто „нойэн“ улына манын ву-йым шийыт ыльэ. Но мый тидым вурсаш мойн ом шоно, но тыгай вуйшыймаш лийын. Тидым йужо вокатый-влакат ойлат ыльэ.

Лагэрыште жапым эн ончычак тазалык дөн вийым пэнгидэмдаш кучылтман. Лиймэ сэмьн эрэ йу-жышто комтман, шокшо пүлөмыш петырналт шинчын шашкэ дөн модын альэ уш йомдарымаш түр-лө походжений нэргэн кнагам да мойн лудын кийман огул. Эрэак йужышто лийман, утларак тарва-нылман, каныман. Только утыжым нойман огул. Пионьэр ийготыш-то калым утыжым туржмаш тазалыккан энгэким конда, кугу йен почэш шуаш тбчман огул. Эн күүлэшымжэ режим, вэс мут дөнэ каласымаштэ жапым кучылт мош-тымаштэ: жапыштэ кыньелман, жа-пыштыжэ малаш вочман, киймаш-тэ лудман огул, час йоктэ вудыш-то киймэ ок кұл, жапыштыжэ кочман, арулык правилым шуктэн шогыман (кочмо дэч ончыч кидым мушман, пужалтмэ умбач йүштө вудым йүман огул, түрлө молат).

Но тиде—пашан палыжэ вэжэ. Вэсыжэ—лагэрыште улмо жапыш-тэ лагэр илышым, режимым при-вычкыш пуртыман, вэсканат ту-гак шкэндим кучаш тунэмман. Тид дэч посна чын ленинэц, чын сталинэц нигунамат лийын от кэрт. Чын партийэц, чын комсомолэц—тугай айдемэ улыт, нуно кэч ку-намат шкэ ончыло пашаштым, шкэ илышым (мэр) обществон-нэ илышлан пуат. Молан мэмнан льотчик-влакнам чылават салам-лат? Моланжэ раш—науылан ку-гу пайдам ыштышашлан лийын нуно тыгай кугу чонэштылма-шыш лүддэ кайышт, тудым шук-тышт. Молан вара испанский ге-рой-влакым чыланат ончэн брыт? Нуно шкэныштымат, шкэ икшы-выштымат (ик жаплан) чаманыдэ

шэмэр калыкым пашажэ вэрч ку-чедалыт. Тэ мэмнан коммунист партийын историйжэ гыч иктаж мом лудын улыда гын, партийэц-влакым чыла вэра, кэч кушташ мом ыштэн шукташ күүлэшым, мо вэрч крэдалаш күүлэшым нуно ра-бочий да работницэ-влаккан, крэ-сань да крестьянка, чыла шэмэр-влаккан кузэ умылтарэныт, илы-шыштым волгалтараш чылалан куанышашлыкым ышташ шкэныш-тым чаманыдэ кузэ тыршэныт, ку-чедалыныт—тидым тэ шинчэда.

Шэргэ рвэзэ-шамыч, тэ шкэндан Лэнин Сталин паша вэрч куче-далаш лийаш туныктэн куштыза.

Вэт огэш йөрö шкэм йбратышэ орадэ лийын кушкан да лачак шкэндим куандараш гына шовэн кошташ, тидым тыланда чылала-нат улыман. Умылшан шинча дө-нэ туньам ончалаш тунэмман, об-щэствылан пайдалэ пашам ышташ тунэмаш күүлэш. Шукым шинчы-шыла койын тбрыштымö ок кұл, эрэак шкэндим шкэланэн кидыш-тэтак кучыман, шкэндим шкэ он-чэн куштыман; „мэмнам начарын воспитатлат“ манын шортман огул, вуйым шийман огул.

Обществоннэ (мэр) паша созна-тэлыне дисциплиным ышта, пэн-гидэмда, айдемым вэсын-вэсын па-лаш туныкта, вэсын-вэсын тунэ-маш, паша ышташ, пагалаш полша.

Вэт лагэрласэ паша лачак тэн-дан вийда шутымо обществоннэ пашам почын пуа.

Посна-посна илыман огул, а ла-гэр вэлэнсэ совхоз да колхозласэ рвэзэ шамыч дөн кэлшэн кылым ку-чыман, кузэ нуно илат, йалыш-тышт культур илыш кузэ органи-зовайымэ,—палэн налман. Йалысэ рвэзэ шамыч дөнэ пырля тэ канга-шыза, тэ нуно у йолташда-влаккан да йал илышлан мо дөн да кузэ полшэн кэртида, тыгак шкэжэ тэ нуно дэч молан тунэм кэртида,—чыла тидым кангашыза, кутырыза. Шкэндан у йолташда-влакым у мурылан туныктыза, мо нэргэн лу-дын улыда—каласыза, йаслысэ, дэсэдысэ, клубысэ пашаштэ по-лышкалыза, түрлө кружок пашам организовайызэ.

Обществоннэ пашаштэ, кушто пашам пырля кангашэн ышташ күүлэш, кушто вэсын вэсын полшы-калалаш күүлэш, тэ комсомолыш йа-дымалташ тунгалыда. А комсомо-лэц-влак мэмнан партийлан, мэм-нан родинылан күүлэш пашашкэ кы-зыт моло гунамсышт дэч пэнгы-дын пижыт.

Лэнин-Сталин паша вэрч куче-далаш йамдэ лийза!



Марий АССР Конституцым пэнгидэмдымэ кэчыштэ Сот-тур район цэнтрыште кугу пайрэм эртаралтэ.

Сүрэтыште: Кульбаш палэ кыдалаш школын самодэатэ-нэ кружокшо митингыште татарла кушташ.

Фото Окружинын.

## АЙДЭМЫН ТАЗАЛЫКШЫМ ЛОКТЫЛШО МОДЫШ

Иаллаштэ, йатыр вэра ту-ным кырен модмаш уло. Шук-годым рвэзэ-влакат тидэ йбры-мö „модыш“ дөнэ модыт.

Тэвэ шукэртэ огул „Патыр“ колхозысо (Морко район) йоча-влак тупым кырен модыныт. Тыштэ кугурак-шамычат лийы-ныт. Нуно йбргö йоча-влакын тупыштым чаманыдэ кыренит. Тудо кастэнак модмаштэ лий-

шэ Азиял палэ кыдалаш шко-лын 7-шэ классыжым тунэм пытарышэ Логинова Эчука чэр-ланэн.

Рвэзэ-влак, мыйын шоны-маштэ тидэ йбрымö модышым модышлан шотлыман огул. Ай-дэмын тазалыкшым локтылаш полшышо модыш мланна ок кұл.

Иванов Арсик.

Морко район, „Патыр“ колхоз.

## Кö, мо вийан?

(Кок рвэзын кутырышты гыч)

— Мо вийан?—йодэш иктыжэ.  
— Паровоз—ойла вэсыжэ  
— А кö вийан?  
— Айдемэ.

— Айдемэ? Айдемэ кунар ваго-ным шупшыш кэртэш?

— Айдемэ ик вагономат шуп-шыш ок кэрт, но садак тудо ви-йан.

— А паровоз гын, коч 18 вагон лийжэ садак шупшыш кудалэш—нигунамат ок войо. Значит тудо вийан.

— Ука, мый тый дөнэт ом кэл-шэ. Кэч мом ойло, садак совет ай-демэ вийан. Тудо кугу йогын вү-дым ваштарэшла йоктарэн кэр-тэш. Нигөн мийэн кэртдымэ йүд-вэл польусым сэнгэн. Тудо шкэ паровозым, фабриным, заводым ыш-та. Чыла тидэ айдемын вийжэ.

— Да, айдемэ вийан.

## Мыйын мутэм

Мый „Йамдэ лий“ газэтын дэторжэ—Фэдотов Йыван, тэ-лэ мучко шукэ экзэмпляр „Йа-мдэ лий“ газэтым тунэмшэ-влак коклаш шарэнам.

Ончыкыжат газет шарымэ папам чарнаш огул манын, шкэ умбакэм ийуль тылзыш-тэ 20 экзэмпляр „Йамдэ ли-йым“ да 10 экзэмпляр моло газэтым шараш мутым пуэм. Шкэ почэшэм Кой-Сола палэ кыдалаш школын 7-кэ клас-сыштыжэ (Шэрнур р-н) тунэмшэ Азманов Элэксэйым ужом.

Фэдотов Йыван.

Пбтвал ПКШ, Соттур район.

## Кокымшо смэнын пэрвой костьоржэ лийз

Рэспублик пионьэр лагэрыш-тэ кызыт кокимшо смэнэ кана. Тидэ смэнын 9 шэ ийульышто пэрвой пионьэр костьор лийэ. Костьорышто старший вожа-тый Звэрэв В. пионьэр-влак-лан йүдвэл польусым сэнгэн налмэ нэргэн кутырыш. Тидын дэч варажэ пионьэр-влак почэ-ламутым лудыч, мурым му-рышт, адак түрлө вэсэла мо-дыш-влак дөнэ модыч.


И. Ильимон.

„Таир“.

## 3-шо №-ан рэбусын отвэтшэ

Иаковлэв Иванны (Морко район) рэбусыжым Паутков Н. (Йошкар-Ола район), Шиба-ков В. (Йошкар-Ола район), Аимов И. (М.-Турек район), Иванов И. (Шэрнур район), па-лэныт. Рэбусын отвэтшэ: „Йол-таш, сыднэ литератүр кнагам луд“ лийэш.

Врид. отв. редактора—А. ИАНАЛОВ.



„Садко“ ледокол Арктикыш лэктын.

Сүрэтыште „Садко“ Архангэльск порт гыч лэкташ дэч ончыч. (Сойузфото).